

Elegibilità da mussadras

concludida da la regenza ils 6 da mars 1994

1. Sco mussadra è elegibla tgi ch'è en possess d'in diplom da mussadra dal Grischun u tgi che ha fatg cun success la scolaziun complementara a la professiun da la centrala da dunnas dal Grischun.
2. Possessuras da diploms da mussadra extrachantunals che vegnan reconuschids er senza resalva en auters chantuns èn elegiblas provisoricamain per ils emprims dus onns da lur activitad d'instrucziun en scolinas grischunas e suenter definitivamain, sch'il chantun ch'emetta quel diplom correspondent reconuscha er il diplom da mussadra dal Grischun. Suenter la scadenza dal termin transitoric da dus onns han las instituziuns responsablas da consultar l'inspectura da scolina cumpetenta avant l'elecziun definitiva.
3. La premissa per in'elecziun provisorica sco er definitiva è da savair la lingua d'instrucziun sco er per scolinas da lingua tudestga ina cumpetenza suffizienta d'in dialect tudestg svizzer u d'in dialect ch'è stretgmain parentà cun il tudestg svizzer. En cas da dubis sclerescha l'uffizi per las scolas popularas e las scolinas dal departament d'educaziun la cumpetenza linguistica.
4. Avant in'elecziun provisorica u definitiva da possessuras da diploms da mussadra extrachantunals sto vegnir sclerida la reconuschientscha dal diplom respectiv cun consultar l'uffizi per las scolas popularas e las scolinas dal departament d'educaziun.
5. Possessuras da diploms esters han il medem status sco possessuras da diploms extrachantunals, sche l'uffizi per las scolas popularas e las scolinas dal departament d'educaziun ha constatà ordavant l'equivalenza dals diploms e la cumpetenza linguistica. Equivalents èn surtut ils diploms che vegnan concedids sin fundament d'ina scolaziun equivalenta e che legitimeschan d'instruir en in tip cumparegliabel da scola preliminar.
6. Quest conclud remplazza il conclud da la regenza nr. 2326 dals 15 da settember 1992.¹⁾

¹⁾ CUL 1992, 2683